

# O PASQUIM

SUPLEMENTO DE HUMOR DO NOVAS DA GALIZA - NÚMERO 4 - OUTUBRO / NOVEMBRO 2007

## Plus Ultra



PESTINHO +1



PESTINHO +1

Isso de dar mais dinheiro aos que mais dinheiro cobram é uma curiosa medida retributiva que, adoptando o léxico eufemístico da nossa pós-moderna época, poderíamos qualificar de 'justiça social inversa'. Pensamento sócio-político próprio de uma nova espécie de Robin Hood invertido (ou pervertido?), que roubasse aos pobres para lho dar aos ricos. Ao parecer, segundo os seus criadores (os do Parlamento Galego, entre outros), a cousa nom é assim tam simples, mas é tema complicado, delicado, de alta política, difícil de adaptar à limitada capacidade intelectual da opinião pública. Pensamos nós que se nom com capazes nem mesmo de nos esclarecer o tema, já nom deveriam levar o dinheiro... Enfim...

Para contribuir a facilitar a compreensão desta original e radical (toma eufemismo!) teoria ideológica, e também (porque nom dizê-lo?) das piadas e charges que elaboramos para este número, desde *O Pasquim* decidimos elaborar esta pequena introdução à que já se tem dado em chamar 'Teoria dos Neo-Plus' ou 'Quem-Dixo-que-os-Políticos-Nunca-se-Punham-de-Acordo?'.

- **Lei da Função Pública Galega (LFPG)**: regula o trabalho dos funcionários/as galegos/as, aprovada polo Parlamento Galego em 17 de Julho (em pleno verao, quando o comum dos mortais anda mais bem distraído). Na disposição adicional 17ª (vaia lugar tam curioso para subir-se o soldo!) é onde se define este plus para «os funcionarios de carreira que a partir da entrada em vigor da Lei orgánica 1/1981, do 6 de abril, pola que se aprobou o Estatuto de autonomía para Galicia, desempeñen ou tivesen desempeñado durante máis de dous anos continuados ou tres con interrupción postos de traballo como director xeral ou superior, director xerente de órganos ou entidades públicas ou postos

na administración pública incluídos no ámbito de aplicación da Lei de incompatibilidades de altos cargos».

- **Complemento de Destino de 14.721 euros**: Estabelecido previamente na Lei de Orçamentos Gerais do Estado de 2007 para os directores gerais. É a quantidade total anual do complemento que determina a disposição adicional 17ª. Isto é: que os ditos altos cargos terán direito a este complemento.

- **Complemento de Destino de 3000 euros**: Esta é a quantidade real do complemento segundo a Junta (Tourinho repetiu-na cabreado no CQC). Seria a diferença resultante de restar dos 14.721 euracos o complemento que actualmente cobra um alto cargo qualquer de nível 30 (o máximo até agora).

- **Nível 33 ou Super 30**: A actual carreira administrativa na Espanha está hierarquizada em 30 níveis retributivos (maior nível, maior salário). O complemento implica na prática o estabelecimento de um novo nível, de partida inexistente, que é chamado nível 33, Super 30 e mesmo há quem o chame 'nível MTC' (a Mae de Todos os Complementos). Para atingir este supremo nível haverá que pertencer a uma exclusivíssima espécie: a dos altos cargos designados politicamente (aqui, a palavra «politicamente» é a importante).

Pois isso, o que dizíamos ao começo: subir-lhe o soldo aos que mais cobram e que som eleitos polo dedo político. Suponho que alguém (imaginamos quem) nos acusará de demagogos, simplificadores, mixtificadores, desinformadores ou todo por junto, ou tal vez nem sequer se dignem em levar o trabalho de o fazer. Total, para estas cousas, ao parecer, há unanimidade, consenso e coincidência de critérios. Ainda bem que se ponhem de acordo em algo, ho!

PESTINHO +1



BRUNO RUIVAL

Mais de 2.000 altos cargos consolidarão um nível 33 de complemento de destino.

...Diga 33

Campaña de apoio á autoestima dos altos cargos

XUNTA DE GALICIA

PESTINHO +1



Rectificar é de sábios (e nom só): No controverso assunto este dos sobressoldos tanto BNG quanto NGZ cometeram um erro e 'sabiamente' tiveram de rectificar (Vid. NGZ Nº 58, p. 6)

SUSO SANMARTIN

PARA TODOS ESSES QUE ACHAM QUE OS ALTOS CARGOS DA JUNTA, AO DEIXAREM DE SE-LO, DEVIAM RECEBER UM SOBRESSOLDO E GANHAR MAIS... CHEGA... O EMPURROM ZINHO !!!

"WE GOT THE WHOOOLE WOODORLD..."

"...IN OUR HANDS!"

FAI-TE ALTO CARGO DURANTE DOIS ANOS SEGUIDOS OU TRÊS ALTERNOS E OBTERÁS UM PLUS DE 15.000€ ANUAIS, MÊS A MÊS, ATÉ O DIA DA TUA APOSENTAÇÃO

**BNG DIRECT**

Um Grande Bloco que fai Fresh Blocking

PESTINHO +1

SUSO SANMARTIN

SUPER-MACARRADA XUNTA FILMS PRESENTA:

PREPAREM-SE PARA A GLÓRIA!

DIXO-O TOURINHO

...SÓ UM PUNHADO DE ESCOLHIDOS MERECE TAL RECOMPENSA...

PESTINHO +1

PESTINHO +1



# Altos cargos

**P**ermitam-me que aproveite a oportunidade que me oferece este jornal galego para discrepar, nom sem dor do meu coração, da rejeiçom maioritaria que suscitou neste nosso país, a Galiza, a decisom dos nossos altos cargos de se assegurarem um salário vitalício daqui ao fim dos seus dias, partin-

do do axioma de que depois da vida nom há rem, o qual é um detalhe.

A mim, parece-me relativamente bem por quanto todo é relativo.

Porque... é que o dinheiro dá a felicidade?

É que os ricos nom choram também como o resto da gente?

É que nom dá gosto vê-los por

fim todos de acordo além das inevitáveis diferenças de siglas e ideias?

É que nom é formosa, em definitivo, a constataçom de que som todos eles, os do Bloco, os do PSOE, os do PP: OS VISITANTES?

Sim. Esses seres que chegarom de outro planeta para se instalarem entre nós e dominarem as nossas mentes.

Estám-se a apoderar pouco a pouco dos nossos recursos porque eles controlam mecanismos de poder que nós, os humanos, muito menos sendo galegos, podemos chegar a entender.


Eles som todos um mesmo exército invasor, imbuídos das filosofias de Anthony Giddens e Roberto Blanco Valdés.

Mas eu há tempo já que desconfo, porque se olhardes atentamente para Orozco, autarca de Lugo, como frota compulsivamente as maos, repararedes que por baixo da pele assomam escamas. Porque se sodes capazes de fitar para Corina Porro por baixo da saia repararedes como há algo que nom vos encaixa... porque um dia fum compulsar a Sam Caetano e vimnos todos juntos andando de um lado para outro, e sentim a sua FORÇA.

Adoro a ciência ficçom, e a Internet, o rol e todo isso, mas isto que vos estou a contar é totalmente certo e acho-o excitante.

Algum dia o de Gaiás estará finalizado e a verdade será revelada. Daquela entregaremos em cheio aos visitantes, cumpriremos fielmente a sua vontade porque eles no fundo som bons. Crem nas infraestruturas.

**Carlos G. Meixide**  
(jornalista e escritor)



FRANJO PADIN

**AS ESPANTOSAS AVENTURAS DE Supertrinta**  
POR: SIEGEL & GHOSTER & PESTINHO

**RESUMO DO PUBLICADO:**  
O COMPLEMENTO DE DESTINO PARA ALTOS CARGOS É CONHECIDO COM O NOME DE "SUPER 30"...

PESTINHO +1



# Vidas exemplares

DONDE SE COBRA POR SAIR NESTA MUSEETA?



## HISTORIA DE ROBUSTIANO, E DOS 15.000 AO ANO

by GONZALO CONFERMISO DO GRANDE VAZQUEZ

<p>ESE SON EU</p>	<p>QUE BEN SE VAI ASI. DE MAIOR QUERO TER "COCHECITO" OFICIAL</p>	<p>OUTRA VEZ "BACARRIK" QUE VERBONIA</p> <p>NON TEXAS "GARCIA" PAPI, DEIXAME AS CHAVES DO "GOD" E VINTE PESOS PARA IR DE "FARRI"</p>	<p>COMO EX-CAMISA AZUL E EX-PROCLURADOR POLOTERCIO FAMILIAR LLOPIDO, DON GIUSEPPE...</p> <p>VA BENE, VA BENE, ALZATE...</p>	<p>SON O ELECTRICISTA, TRAIU UN ENCHUFE...</p> <p>P'ADENTRO</p>
<p>É Robustiano Trepilla de profesión, alto cargo. Saiban aquí da súa vida e do seu final amargo.</p>	<p>Robustiano, xa no berce, boa disposición amosa. Para ser cargo se ofrece, con vocación xenerosa.</p>	<p>Nos estudos el destaca, sendo honra dos seus pais, pero, por causas puntuais, nen o bacharelato saca.</p>	<p>Responsablemente, o pai, de visita á Diputación, méteo na Administración, pedindo cuña a Romay.</p>	<p>E logo dun tempo (un ano), cando se inventa o da Xunta, entra ali unha marabunta, e entre eles, Robustiano.</p>
<p>FÁI UNS CAFÉS MOI RICOS... GOSTARIALLE SER O MEU ADEOR DE MERENDINAS E GUMIPONDAS?</p> <p>CHACHI!</p> <p>SÍMERE UN TÁN SO...</p>	<p>AGORA SON SUB-DIRECTOR XERAL DE... LI, QUE XA O ESQUECIN, QUE TONTO!</p>	<p>NON AGARDES DESPERO, QUE ESTE É NOVO E TEXO QUE INSPECCIONALO A FONDO</p> <p>SÍ, BWANA</p>	<p>ADIANTE CAMARADAS, TOMEMOS O PAZO DE INVERNO!</p> <p>XUNTA</p> <p>PARBO O ÚLTIMO!!</p>	<p>A ESTE GUINDANDO POLA PIASTRA, OU QUE?</p> <p>AGARDA A VER...</p>
<p>Traballa denodadamente (sirve café ao presidente) e dunha destas, o Albor vai e noméao asesor.</p>	<p>Saltando de cargo en cargo, danlle este, deixa aquel. Dali non sac, sen embargo, nen que o mande don Manuel</p>	<p>No seu coche oficial visitas fai sen desmaio, sen preocuparlle o horario, desde Tui a Ortegal.</p>	<p>Mais un día, xa hai dous anos, (ouh! día triste e maldito!) as hordas do bipartito asaltan San Caetano.</p>	<p>E xa o van defenestrar naquela hora funesta, (xa que que o foron a pillar mentras botaba unha siesta)</p>
<p>SE I FACER MOI BONS CAFÉS, GAREO MORTOS "MULIBLES" E TEXO UN CONTRATO BUNDOO, ADEMBEN TE ASINADO...</p> <p>ESTA BEM, PRECISAMOS TECNICOS COMA VOSTEDE</p>	<p>PASOO!</p>	<p>NADA, PARA TAPAR UNS BURATINOS... (NO IATE)</p>		
<p>Está en mans do populacho, pero o director xeral, como non hai persoal, aínda mantén o despacho!</p>	<p>Mais finalmente é botado, e Robustiano Trepilla está entre o proletariado empunhando a carretilla...</p>	<p>Non teman: o coitadiño só a quere para cargar os eurazos que, a faltar, lle aportará o "aumentiaño"</p>		